

عبدالرووف فطرت

يورت قيغوسي

(شعرلر)

تاشكېنت - «منعويت» نشرياتي

ایچیده گیلر

۳	یورت قیغوسی
۳	یورت قیغوسی
۵	یورت قیغوسی
۶	یورت قیغوسی
۸	کیم دبیله سبنی؟
۹	بیر آز کول
۱۰	اچیغلنمه دېگن اېدینگ
۱۰	مریخ یولدوزیگه
۱۱	آوونچاق
۱۲	عشقیم نینگ تاریخی
۱۳	ینه یاندیم
۱۴	نېگه بویه؟
۱۵	شاعر
۱۷	بهبودی نینگ سغنه سین ایزله دیم
۱۸	پرچه
۱۸	اؤگوت
۱۹	شرق
۲۱	اؤقیتغووچیلر یورتیگه
۲۲	قار
۲۳	مېنینگ کېچهم
۲۵	گوزلیم، بېوفا گلستانیم

يورت قىغوسى^۱

آم! سېنى قوتقرماق اوچون جان مى كېرەك-دېر؟
ناموس مى، وجدان بىلە ايمان مى كېرەك-دېر؟
تېمور بىلە چنگيز قانى تاشدى تاميرىمىزدن،
آيتگيل! سېنى قوتقرماق اوچون قان مى كېرەك-دېر؟
ياو سوقغەلى كېلگچ قىلىچىنى يورەگىنگە،
توش آلدېگە، آل كۆكسومى - قلغان مى كېرەك-دېر؟
باق، باق، منە تورك تېنگىزى تاشقون قىلە قالدى،
توران ياوينى قووغەلى توفان مى كېرەك-دېر؟
توران، يىگىتىنگ، برچەگە باق، قىلقدى آياقغە،
يورتدە قراوول قۇيغەلى ارسلان مى كېرەك-دېر؟

يورت قىغوسى^۲

(ساچمە)

اي اولوغ توران، ارسلانلر اولكەسى!
سېنگە نې بولدى؟ حالېنگ قلهى دېر؟ نېچوك كونلرگە قالدېنگ؟
اي چنگيزلر نېنگ، تېمورلر نېنگ، اوغوزلر نېنگ، آتېلالر نېنگ شأنلى بېشېكلرى!
قنى او چىقدېغېنگ يوكسك اوړېنلر؟
قوللىك چوقورلرېغە نېدن توشدېنگ؟!
دنيانى «اورها»لرى بېلن تېترەتكەن يولبرس يورەكلى بالەلرېنگ قنى؟
پېر توپراغېنى كۆكلرگە اوچېرەتورغن تاغ گودەلى اوغلانلرېنگ قنى؟

^۱ - يورت قىغوسى. بو شعر عروض وزىدە يازىلگەن بولېپ، «حریت» گزېتەسى نېنگ ۱۹۱۷-يىل ۲۹ دېسمبر ۶۲-سانىدە اعلان قىلىنگەن. شو كۈنگە قىتە نىشر اېتىلمەگەن.
«حریت» گزېتەسى سىمىقەندە ۱۹۱۷-۱۹۱۸-يىللرى نىشر اېتىلگەن. ۱۹۱۷-يىل ۲۷-ساندن باشلېب فطرت محررلىك قىلگەن. بو نىشرە فطرت نېنگ قىرققە يېقىن پولىسىستېك مقالەلرى و تۈرتتە اۋزېكچە و اېنگى فارسى شعرى اعلان قىلىنگەن.

^۲ - يورت قىغوسى (ساچمە شعر). فطرت نېنگ اۋز سۆزلرى بېلن ايتىگەندە «منشور» («ادىيات قاعدەلرى»)، «حریت» گزېتەسى نېنگ ۱۹۱۷-يىل ۲۸ جولای ۲۶-سانىدە اعلان قىلىنگەن. قىتە نىشرى: «فن و تورموش»، ۱۹۹۰-يىل ۷-سان، ۷-بېت (تېدىلچى اكبر اعظم خواجه).

^۳ - اوغوزخان. ھونلر دورىدەگى قىدىمكى تورك خاقانلرىدن. اصل اسمى موساخان تېومان اوغلى دېر، وفاتى عېسوي ۱۷۴-يىل. توغىلگەن سەنەسى اېنىق اېمىس. اۋتېز بېش يىل ھكىمرانلىك قىلگەن.
^۴ - آتېلا. ھون خاقانى مېنجوق اوغلى (۴۵۳-۳۹۵). اكەسى وېلدە نېنگ اولىمىدن سۈنگ (۴۲۲-يىل) خاقانلىكى تۈلە اۋز قولىگە آلىپ عمرى نېنگ سۈنگىگە قىر خاقانلىك قىلگەن. قىتە نىشرە «آتېلا» سۆزى «آيلا» دېپ نائۇغرى يازىلگەن.

نېچون تاووشلری چيقمەى دیر؟
بیر یوزى نینگ بیر نېچە پالوانلری بولگن باتیر تورکلرینگ قنى؟
نېچون چېکیندیلر؟ نېچون کپتدیلر؟
کورەش میدانلرینی اؤزگەلرگە نېچون قۇیدیلر؟
نېچون...نېچون...نېچون...؟
گپور مېنگە، ای اولوغ توران، ارسلانلر اۆلکەسى! سېنگە نې بۆلدى؟!
بیر یوزى نینگ بویوک سلطنتلرینی سېن قورمەدینگ مى؟
هندوستان نینگ، ایران نینگ، اروپا نینگ اولوغ خاقانلرینی سېن یوبارمەدینگ مى؟
ای خاقانلر اؤچاغی!
ای قهرمانلر توغایی!
قنى او چقماق چقىشلى باتیر خاقانلرینگ؟
قنى اولغى اوق يوروشلى، اتلى بېکلرینگ؟
نېچون «اورها»لرینگ ایشیتيلمەى دیر؟
دنیا خلقینی بۇیسوندیرمەگن سلطنتلرینگ نېچون بوزیلدى؟
انسانلیک عالمینی قناتلری آستیندە آلگن خاقانلیغ نینگ نېچون کوچى اۆلدى؟
کوچینگ مى کپتدى؟ کیمسەسيز مى قالدى؟
یوق...یوق...تنگرى حقى اوچون یوق!..
سېن کوچسيز اېمسەن، سېن کیمسەسيز اېمسەن!
بوگون بیر یوزیدە سکسان میلیون^۲ بالەنگ بار.
بولرینگ تامیرلریدەگى قان چنگیزلر نینگ، تېمورلر نینگ قانى دیر.
بولرینگ کوچلری سېنینگ کوچینگ دیر!
ای اولوغ توران، ارسلانلر اۆلکەسى!
قیغورمە!
اېسكى دولتينگ، اېسكى سلطنتینگ، اېسكى ييگيتلرینگ، اېسكى ارسلانلرینگ همەسى بار، هېچ بیرى
یوقالمەمیش-دیر.
يالغیز...آه، يالغیز...ترقلمیش-دیر.

^۱. توغای. توغیلگن جای.

^۲. سکسان میلیون. اۆشە يىللری بیر یوزیدە تورکي قومگە منسوب ۸۰ میلیون اهالى بار اېدى. شو رقم نظردە توتيلهدى.

يورت قيغوسى^۱

(بىر اۆزبېك تىلىدن)

ياتىم توشۇمىدە، اويغانسىم يانىمىدە، كۆز يومسىم مېيىمىدە، كۆز آچسىم قرشۇمىدە مونگلى بىر خيال كېلىپ توره دورا! بو بىر خاتون خيالى... بىر خاتون كه، اېگنىدە ايپگلى، لېكن يىرتىق و اېسكى بىر كۆيلكدن باشقه بىر كييم يوق. باش-اياغلىرى يىلنگاچ، تىرسكلريگچه قاپ. قاره لايقه دن باتغن، بقيرورغه تاووشى، قوتيلورغه كوچى قالمىغن.!

قره يمن: كيمسه سىزلىك يوكىندن آريغلنگن تندە ظالمانه اورولغن قمچيلر نىنگ يره سى بار.
كورە من: جاهلانە قىلىنغن اېملردن ناسولغە^۲ قىتىغن يره لرىندن قانلر آقيب توره دور.!

اي مونگلى خاتون، سېن كيمسن؟

اي غملى آنە، نېچوك موندن آيريلمەيسن؟

يانىمىدە، كۆزىمىدە، مېيىمىدە، يوره گىمىدە نيمە اخترەسن، نېچوك كېتمەيسن؟

قيغو توتونلرى ايچره ياغدوسىز قالغن كۆزلرينگ، او ياش يامغورلرين نېچون تۆكه. دير؟ ظلم زنجيرلرى بيلن باغلنگن قۇللرينگ نېچون هر يانگە اوزه تيله. دير، نيمە تيلهيسن؟..

آه... بيلديم... بيلديم... انگله ديم!

سېن مېنىنگ وطنيمسن، وطنيم نىنگ مونگلى خيالىسن. اي مقدس تورانيم نىنگ خيالى، كېتمەى تور، آيريلمە. يانىمىدە، كۆزلرىمىدە، يوره گىمىدە، وجدانىمىدە قال، كېتمە. تورانيم، سېندن آيريلماق - مېنىنگ اوچون اولييمىم.

سېنىنگ اوچون اولماق - مېنىنگ تىرىكلىگىم دير،

پناھىم، سجده گاهىم، اميدىم!

ياولرينگ سېنى شو كونگە مى سالدیلر؟

تيلگىم، ايستگىم، سعادتىم!

باله لرينگ سېنى شو حالده مى قۇيدیلر؟

سويونچىم، آوونچاگىم، اوچاگىم!

ظالمىر سېنى كيمسه سىز مى كوردیلر؟

يوق، سېن كيمسه سىز اېمس سن. منە مېن، بوتون بارليغيىم بيلن سېنگە كۆمك قىلورغه حاضر. منە مېن چين كۆنگىل بيلن سېنىنگ يۇلىنگدە اولورغه راضى.

قاف تاغلىرى يۇلىمىدە توشسه؛

^۱ يورت قيغوسى (بىر اۆزبېك تىلىدن). اوشبو ساچمه هم «حریت» گزېتەسىدە چاپ اېتىلگن (۱۹۱۷، ۱۸ اگوست ۳۱-سان). قېتە نشرى: «فن و تورموش» ج. ۱، ۱۹۹۰، ۹-سان. ۷-بېت.

^۲ ناسولغە. توزەلمەگن، قېتە كىسلەنگن.

تموغ^۱ آلاولرى قرشومدن چىقسە، يىنە سېن سىرى كېترىمىن .
اوستىمىگە انسانلار اېمىس، شىطانلار قۇشىنى كېلسە،
آياغىمىگە زنجىرلار اېمىس، جەننەم ايلانلار سارىلسە،^۲
يىنە سېن سىرى كېترىمىن .
دنيا نىنگ بوتون بلالار باشىمىگە تۆكۈلسە،
ظلم چۆلى نىنگ تېمىر تىكانلار كۆزلىرىمگە كىرسە، يىنە سېنى قوتقىرىمىن .
مېن سېنىڭ اوچون تىرىلدىم،
سېنىڭ اوچون يىشىمىن،
سېنىڭ اوچون اولورمىن .
اي توركلېك نىنگ مۇقدس اوچاغى!
اولىم سېنىڭ اولىمىنىڭنى اىستەڭلەرگە،
نفرت سېنى كۆمگىنى كېلگىلەرگە!

يورت قىغوسى^۳

(تېمور آلدېندە)

بىرىم يانېق، يوزىم قارە، كۆنگىلىم سىنىق، بۆيىم بۈكۈك .
سېنىڭ زىيارتىڭىگە كېلدىم، سۇلتانىم!
اېزىلگەن باشىم، قىسىلگەن وجدانىم، كويىگە قانىم، اورتىڭىم جانىم اوچون بو سەنەنگەن دوا اىزىل كېلدىم،
خاقانىم!
يوز يىللاردىن بېرى جفا كۆرۈپ، غەم چېكىپ كېلگەن تورىك نىنگ قانلى كۆز ياشلىرىن اېتكىلىرىڭىگە تۈكرەگە
كېلدىم .
قارانغولىكلار اىچرە ياغدوسىز قالگەن اۈزبېك كۆزلىرى اوچون توپراغىنىڭىم سۇرمە آغەلى كېلدىم .
ناموسىنى بد كىشىلەر نىنگ اياغلىرى آستىنىدە كۆرۈپ تورىكلىك قانى قېنەغەي، مىسلمانلىك ھىمىتى تاشغەي،
تموغ آلاولرى كېى ساچرەغەي .
لېكىن اۈز كوچىسىزلىگىن انكلەب قىتېب اۈتۈرگەن و قان يىغەلەڭ تورىك نىنگ ھالىنى ايتىرگە كېلدىم، خاقانىم!

^۱ . تموغ . جەننەم .

^۲ . سارىلماق . ياپىشماق .

^۳ . يورت قىغوسى (تېمور آلدېندە) . ساجمە . «حرىت» گېزىتىسى نىنگ ۱۹۱۷ . يىل ۳۱ اۆكتوبر ۴۷ . سانىدە اېلەك بار اعلان قىلىنىڭىن . قېتە نىشى : «فن و تورموش» ج . ۱ ، ۱۹۹۰ ، ۹ . سان ، ۷ . بېت .

اولوغ خاقانیم! تورکلیک شرفی تهلندی.

تورک اوچون قویدیغینگ دولت بیتدی، تورک آستیغه قوردیغینگ خاقانلیک یاغیگه می کبتدی.

تورک نینگ ناموسی، اعتباری، ایمانی، وجدانی ظالمیر نینگ ایاغلی آستینده قالدی.

تورک نینگ یورتی، اولاغی، اوچاغی، تورانی یات قوللرغه توشدی.

تورک نینگ بیلگیسی، آنکی، اویلاوی، زیرکلیگی جهالت اولجه سیغه کبتدی.

سپنینگ قیلیچینگ بیلن دنیا اېگه سی بولغن تورک تینچ گینه بیر یاتاق تاپالمه ی قالدی.

سپنینگ کوچینگ بیلن دنیا خوجه سی بولگن تورک قزلوق تیمورلرگه^۱ کیردی.

خاقانیم!

تورکلیککه خیانت قیلغنلر تورک بولسه لر هم قانلرینی آقیزماق سپنینگ مقدس عادتینگ دیر، یاتمه، تور!

سپنینگ امانتینگه خیانت قیلغنلرینی اېز، اور، اولدور! سلطانیم!

بیله من، شو تابدہ سپنینگ او یوکسک و اولوغ روحانیتینگ مېن کبی توبن روحلی و همتسیز بیر باله سی

نینگ شو حالیه غضبلی کولوب توروب. دیر.

بیله من، شو چاغده سپنینگ تولقونلی دېنگیزلرغه اوخشه غن یوره گینگ مېن کبی یوره کسیز بیر اوغلینگ

نینگ شو کۆرینیشیندن نفرت قیله. دیر.

چونکه یوقاریده ایتدیگیم ایشلر نینگ همه سیگه اوزیم سبب بولدیم، برچه سینی اوزیم قیلدیم،

سپنینگ تورانینگنی اوزیم تهلتدیم،

سپنینگ تورکلیگینگنی اوزیم اېزدیردیم،

سپنینگ امانتلرینگگه خیانت اوزیم قیلدیم.

مېن اوچ کونلیک عمریمنی تینچ گینه یاتیپ اوتکزماقچی بولمه سه اېدیم، شولرینگ بیرارته سی بولمس

اېدی.

مېن قولیمغه تاپشیردیغینگ قیلیچنی تشلب، چالغونی آلمه سه اېدیم، تورانیم تهلنمس اېدی.!

مېن یالغیز قانلی کۆز یاشلریمنی بو سغنه نگگه تۆکمک اوچون اېمس، اوز یازیقلمی اقرار اېترغه کېلدیم،

خاقانیم.

مېنی قۆیمه!

مېن یالغیز یازیقلمی اقرار اېترغه اېمس، تورانغه بېردیگیم ضررلرنی تۆله ماق اوچون کېلدیم، خاقانیم.

مېندن نفرت اېتمه!

ای ارسلانلر ارسلانی!

مېنیم یازوقلریمدن اوت،

مېنی قۆلیمنی توت،

^۱. قزلوق تیمورلر. تیمیر پنجره لر.

بېلىمنى باغله، مۇقدس فاتحه‌نگنى بېر!
سېنىڭ دىياگە سىغمەگن غىرتىنگگە آنت ايچەمن كە، توران نىنگ اېسكى شەرف و اولوغلىغىنى قېتىرمىدىن
بورون اياغلىرىنگە اۆتېرمىسمەن.

«اۆزبېك ياش شاعرلىرى»^۱ توپلىمىدىن:

كىم دېيەي سېنى؟^۲

آپپاغىم، خدای اسره‌غەي سېنى،
كۆز بلاسىدىن سقلىغەي سېنى.
سېن جهان نىنگ اېنگ نازىنى سېن،
قىغولرغە ھېچ سالمەغەي سېنى.

قىپ-قىزىل گۈلىم، ياپ-ياروغ آيىم،
كېتمەي تور، بىر آز مېن كۆرەي سېنى.
درد جانىم نىنگ سېن دواسى مى؟
مونگلى كۈنگلۈم نىنگ پادشاسى مى؟

گۈل مى سېن، كۆزىم، جان مى سېن، كۆزىم؟
كۈنگلىم نىنگ بۇتى يا خداسى مى؟
بىلمەيدىم، گۈلىم، ايت اۆزىنگ كولىب،
عاشقىنىڭ نېچوك اتەغەي سېنى؟

^۱. «اۆزبېك ياش شاعرلىرى» توپلىمى. ۱۹۲۲ يىلدە تاشكېنتتە چاپ اېتىلگەن. اوتكە فطرت، چولپان، باتو، اېلېك نىنگ شعرلىرى كىرىتېلگەن بولۇپ، فطرت نىنگ ۱۹۱۹-۱۹۲۱ يىللار آردىسىدە يازىلگەن ۱۳ شعرى، توپلىمىدىن جاي آلگەن. اوشبو توپلىم ھقېدە قويدەگى تەقرىظلار اعلان قىلىنكەن: سەدى. اۆزبېك ياش شاعرلىرى. «تورکستان»، ۱۹۲۴، ۱۲-جۈمۈرى؛ ع. شەرف الدىنوف. اۆزبېك ياش شاعرلىرى. چولپان. «قىزىل اۆزبېكستان»، ۱۹۲۷، ۱۴-فېۋرۋرى.

^۲. كىم دېيەي سېنى؟. قېتە نەشرى «اۆزبېكستان ادبىياتى و سەنئەتى» ھەفتەلىگىدە ۱۹۸۷-يىل ۱۱-دەسمبەر سانىدە (نەشرگە تيارلاۋچى نەيم كرىموف) اعلان قىلىنكەن. اۆزلىگى توپلىمىدە شەرف نىنگ سەنئەسى كۆرسەتېلمەگەن، قېتە نەشرىدە ۱۹۲۰-يىلگە تەعلقلى اېككى اېتېلەدى.

بیر آز کول^۱

کوز یاشلریم بوکون تغین آقه دی می؟
قیزیل گُلیم باشقه لرغه کولر-ده.

قیزیل گُلیم، بارلیغیم نینگ سلطانی!
جانیم، سېنینگ خْیالینگده کوچه یدی.
یوره گیم نینگ اېنگ قیمتلی ارمانی،
نېچوک مېنگه مرحمتینگ آزه یدی؟

ایکّی کوزیم، ملک یوزیم، سېودیگیم،
جانلر سېنینگ یوزگی ننگدن ایلنسون.
قیزیل گُلیم، قاره کوزیم، تیلگیم،
دنیا سېنینگ باقیشینگدن اؤرگولسون.

یاووز یاریم، یوزینگه هېچ باقالم،
کونگیل دردین آياغینگغه تۆکالم،
توپراق کبی ییقيلمیشم یولینگده دېه آلم،
ایستر اېسنگ مېنگه کېلیب گپورمه، یانیمده هېچ اؤتورمه.

یاغوز ییغلب اوزاقدن تورغیمنی،
کۆرگینینگده، مرحمت اېت، بیر آز کول!

^۱. بیر آز کول. ۱۹۹۱. بیل نینگ جونیده «شرق یولدوزی» ژونالی نینگ ۶. سانیده (۲۰ بیت) قېتیه نشر قېلیندی (نشرگه تیارلاوچی بالتهایوف). شعر نینگ سنه سی کۆرسه تېلمه گن. فطرت ترجمه ی حالینی کوزدیتیب،

۲۰. بیللر نینگ باشلریده تاشکېنتده یازیلگینینی تخمین قیلش ممکن.

اچچيغلنمه دېگن اېدينگ^۱

«اميدسيزليک خنجرى بيلن يرهلنغن،
بیر يورهک نينگ اېنگ سونگى ارمغانى».

اېرکه ملک، اچچيغلنم سېنگه،
اوچيرسنگ-ده کؤککه يورهک کولين.
اچچيغلنم سېنگه، نازلى قوباش،
يانديرسنگ-ده اميديم نينگ گلين.

بارسون، يانسون اميديم نينگ گلى،
کؤککه اوچسون يورهگيم نينگ کولى،
سؤلسون روحيم، بارليغيم-ده بيتسون.
اؤکسيز کؤز نينگ ياشى کبى عشقيم،
توپراق اوزره تۆکولسون-ده کبتسون.

تيلکلريم، ارمانلريم، شعریم،
کؤمىلسونلر، کبره کمسلر مېنگه،
«حيات» دېگن قاپقان بارسون،
پرچه لئسون، بيتسون، يوقالسون.

بيراق، سېن... کيم، خيالىنگغه روحيم،
تالپينه دور - يشه، بار بؤل، توتش.

مريخ يولدوزيگه^۲

گؤزل يولدوز، يېرىمىز نينگ اېنگ قدرلى توقغنى!
نېگه بيزدن قاچيب مونچه اوزاقلرغه توشيبسن؛
تووغنينگه نېچون سيره گپورمسدن توريبسن؟
سؤيله، يولدوز، حالينگ نه-دير؟ نېچوک تاپدينگ دنيانى؟

^۱. اچچيغلنمه دېگن اېدينگ. شعر نينگ سنهسى كۆرسهتيلمەگن. سرلوحه آستيدەگى سۆزلر مؤلف قلمىگه منسوب. قېتە نشرى اوچون قرەنگ: «شرق يولدوزى»، ۱۹۹۱، ۶-سان، ۲۰-بەت.

^۲. مريخ يولدوزيگه. قېتە نشريده ۱۹۲۰ يىل سنهسى كۆرسهتيلگن. قرەنگ: «اوزبەكستان ادبيياتى و صنعتى»، ۱۹۸۷، ۱۱ دسمبر (تەدبىلچى ن. كريم اوف).

بىز نىنگ يېردە بۇلىپ تورغن توينلىكلر، خۇرلىكلر،
سۇيله، يولدوز، سېنىگ دغى قوچاغىنگدە بۇلور مى؟

بار مى سېندە بىزىم كىي انسانلر،
ايگى يوزلى ايشبوزرلر، شيطانلر.
اورتاق قانين قانمەي ايچكن زولوكلر،
قرداش ايتىن تۆيمەي يېگن قاپلانلر؟
بار مى سېندە، اؤكسوز يوقسول نىنگ قانين -
گورونگلشيب، چاغىر كىي ايچكنلر؟
بار مى سېندە بوتون دنيا توزوگىن،
اؤز قاپچىغىن تۇلدىرغەلى بوزغىنلر.
بار مى سېندە بىر اۆلكەنى ياندىرىپ،
اؤز قازانين قىنتىغۇچى خاقانلر.
بار مى سېندە قارىن-قورساق يۇلىدە،
اېلىن، يورتىن، بارىن-يۇغىن ساتقانلر؟

آوونچاق^۱

(مىرمحسنىگە^۲ بغيشلەدیم)

تۆسىپ تورگن آیدىنلىك نىنگ يۇلىنى،
شو قاپ-قارە، اېسكى، تىترەك بولوتلر،
كوچلى بىر يېل كۆرگىچ، تورمس، يىرتىلر،
اميد كونی سېنىگ اوچون هم توغر.
قىغورمەغىل سىره، اې حق توبىغوسى!
بوكون سېن
اېزىلەسن بىلىمسىزلىقدن آرتىق.

^۱. آوونچاق. شعر مشهور معرفتچى اديب مىرمحسن شېرىمخودوفگە بغيشلنگن. باتر ۱۹۲۹-يىلى م. شېرىمخودوف وفاتى مناسىتى بىلن «كئە يۇقاتور» مقالەسىنى يازگن، بو مقاله دە فطرت نىنگ اوشبو شعرى هم تىلگە آلىنگن. شعر «اۆزبېك ياش شاعرلىرى» دن آلىنىپ، نىشرگە تيارلندى.
^۲. مىرمحسن شېرىمخودوف. (۱۸۹۵-۱۹۲۹) بىرىنچى اۆزبېك ژورنالىستى، هم معرفتپروزلرلردن. ۱۹۱۷-يىلى ۲۵ اپرىلدە «توران» گزېتەسىدە باسلىگن مقالەسى اوچون جازاگە تارتىلگن، حتا اونی تاشبۇران قىلىپ اۆلدېرىش حقدە حكم چىققن. لېكن غېرتلى دوستلرى نىنگ ارەلشوروى طفىلى حكم قىلماق جازاسىگە المشتىرىلگن و او دوستلرى نىنگ ياردمىدە اوفەگە قاچىرىپ يوبارىلگن.

شو قارانغو، يوره كلرنى بوتونلەي
سۆكيش، قرغيش، لعنت ارەلش بۇغيق،
تاووشلرى سېنگە توغرى يوكسلگن.
قويىلەسېن بو سېزگوسىز اۆلكەدن.

كىمسە سىزلىك پوچماغىدە يالغوزچە،
اۆگەي آنە تياغى. لە سورىلگن،
يۇقسول، اۆكسوز قىزلردن
اينگرەب، اينگلب، آقىب تورغن بىر ساي نىنگ
قىرغاغىدە اۆسكن اۆكسوز بىر آغاچ
كۆرگچ، شونىنگ كۆلكەسىگە سىغىنرسن...
بىراق، ايشان - شو حاللر نىنگ برچەسى
اېرتە، ايندىن بوتون. بوتون يۇقالر.
آلدىمىزنى تۇسگن بولوت برچەسى
كوچلى بىر يېل كۆرگچ تورمس، بىرتىلر.
اميد گلى بىزىم اوچون ھم توغر:
قىغورمەگىل، سىرە، اي حق تويغوسى!

عشقىم نىنگ تارىخى^۱

(...گە)

كۆب كونلر سېندن اوزاقدە مېن يالغىز اورتىنە قالدىم،
ياغدىردىم ايگى كۆزىمدن يامغوردېك قانلى آلاولر.
يانمىشدى كۆنگلىم اۆتى. لە تېك سېندن اۆزگە تىلاولر،
عشقىنىگ نىنگ قىغولرىنى جان يىنگلىغ بغرىمە سالدىم...
لېكن سېن، اي، يوره گىم نىنگ بىردن. بىر سېوگىلى يارى،
كۆركملىك باغچلرىنگدە سېزمىسەن قىغولرىمنى

^۱. عشقىم نىنگ تارىخى. قېتە نشرى: «شرق يوللارنى»، ۱۹۹۱. ۶. سان، ۲۱. بېت.

بلبلدېك سېرەب اوچردېنگ.
كۆكلر نېنگ خانېگە اۋخشب، كېملر نېنگ اۋرتنگېنى
بېلمسەن پېردەگېلر نېنگ دىياسېن نق يارىتردېنگ.
قالدىقچە بۆيلە خبرسېز عشقىمدن، جان چېچگېم، سېن
كۆنگلېم نېنگ تويغولرى. لە شاعرلىك سېزگولرىمنى
بو يولدن اۋتگە سالردېنگ،
بېر قۇلدن بېرگە اورردېنگ
ھەم يۇق اېتردېنگ فېكرېم نېنگ تۈپلەگېنى.
تون. كۈنلر بېغلەگېم نېنگ اسېرى بۆلسە كېرەك كېم،
سېن اېنگ سۈنگ مېنگە يانداشدىنگ، روھىمنى اۋىنەتە قۇيدېنگ.
چېكسېز بېر تانگ چېراغى. لە سورگونلې كېچەلرىمنى،
يولدوزلى يۇللارنى بېردن شەرىم نېنگ آلدېگە آچدىنگ...

يەنە ياندىم^۱

يۈرەگېم نېنگ قلىن، قىزغىن آلاۋى. لە قېنەغەن،
كۆز ياشلېم! قىدەسېز؟
كونېم كېى اوزون، قارە شو كېچەدە كوتېب مېن،
اېرىشمەدېم سېرە سېزگە... نېگە بۆيلە قاچەسېز؟
نېچۈن مېنى سېسېزچە اونوتدىنگېز - ايتىنگېز؟
اۋىنەمېن... يېلىنەمېن، قاچمىنگېز - قېتىنگېز!
يەنە بوتون بارلىغېم نېنگ نېگىزلرى بېمىرىلدى،
امېدىم نېنگ كۆپ چىدەملى تېرەكلرى بېقىلدى،
خېالىم نېنگ تاتلى، چۈچۈك ساعىتلرن بوتونلەى،
اوزاقلشىب كېتدى مېندن...! تۈسېب تورر يۇلىمنى،
امېدسېزلىك قېغولرى تانگى آتمس بېر توندەى،
اۋلېم دەھى قوتقرغەلى كېلىب توتمس قۇلىمنى.

^۱. يەنە ياندىم. قېتە نەشرى: «شرق يولدوزى»، ۱۹۹۱. ۶. سان، ۲۲. بېت.

كېچە اونىنگ نور تېنگىزى بولغن گۈزل منگلەيى،
تالغەلنمىش كۆرگىچ مېن...

يېر يوزىدە بارلىغىمنى كۆرسىتىدىن اويلىدىم.
يوتىدىم بوتون قىغولر نىنگ، ماتملر نىنگ آغوسىن.
جان تارتغوسى بولگن كۆزى آغىر، نازلى سوزىلدى،
بىر آز بورون چاغير ايچكن پىرلرغە اوخشىردى.
بىلىم نېچون اويلىدى!..

كعبە اوزرە ايلنغووچى كۆگرچىندېك^۱ يورەگىم،
ساعتلرچە شول كۆزلر نىنگ تېگرەسىدە ايلندى.
بىراق او.

مېنگە سىرە باقمەدى،

يىغلەدىم،

كولدىم،

يلىندىم -

توشوندىم:

بىرتەسى ھم مزاجىگە ياقمەدى.

يىغلە، بىر آز اوكسوزلنگن تىلگىم:

مېن ھم سېندە بختسىزلىككە توتوندىم،

امىدسىزلىك آره توشىب يوقسول جانىم اورتندى.

نېگە بۇيلە؟^۲

سېن كېلگىچ...

شەرىم اوچون

قىزىل گلر توشلگن،

يولدوزلر-لە بېزەلگن

اېنگ كېنگ بىر يول آچىلدى.

^۱. كۆگرچىن. كىوتو.

^۲. نېگە بۇيلە؟. شعر ۱۰. مارچ ۱۹۲۰. يىلى يازىلگن. قېتە نثرى: «اوزبېكستان ادبياتى و صنعتى»، ۱۹۸۷، دىسمبر. قېتە نثرىدە ۱۹۲۰. يىل ۱۴ مارچ سەنەسى كېلىتىلگن.

سېن كېلگىچ،
كۈنگلومنى
قيغۇر-لە، ماتىملر-لە اۋرەنغن قارە قلىن پردەلرى
يىرتىلدى.

سېن كېلگىچ،
خىالىم
اميد، ارمان چېچكلرى آچىلگن
اوچماق كى باغچەلردە بىلدېك
سېرەب يوردى.

بىراق سېن
عشقىنگدن
كېچە. كوندوز يانېب تورگن كۈنگىم نىنگ
دردىنى
ھېچ سېزمىسەن كۈلە-كۈلە تورر-دە
يانر بوتون بارلىغىم... نېگە بۈيلە؟!

شاعر^۱

بوكون يىغلب اۋتىرمىشىدىم، سېن كېلدىنگ،
بىر شاعر نىنگ بىر «سۆزى» نى سۆزلەدىنگ،
مېن او سۆز نىنگ روھىنگدەگى ايزلرىن
سېنىنگ گۈز كۈزلرىنگدە اۋقىدىم.
اۋقىدوقچە، او ايزدن
اۋزىم اوچون كۆب اميدلر توقىدىم.

^۱. شاعر. شعر ۱۹۲۰ يىل ۲۴ مارجە يازىلگن. قېتە نثرى: «اۋزبېكستان ادبىياتى و صنعتى»، ۱۹۸۷، ۱۱ دىسمبر. ميان بويوك صالح اوف نىنگ دلالتى بۇيىچە، بو شعر عبدالحميد چولپانگە بغيىشلنگن.

- امیدسیزچه یشەى آلمم، نېتەیین.
اېمېش... شاعر سېوگىلىسىگە يازغن
بىر يازوودە قىغولرىنى تۆكمىش،
سۆزلىرى نېنگ اېنگ آخريده آندن
روھى اوچون بىر آز كۆمك ايستەمىش.

بىلەسن مى؟

شاعر عشق نېنگ اېنگ نازلى،
اېرکە، اينجىق ياغدوسى دىر، تورالمس
معشوقيدىن كۆرمەگنچە كولوشلى،
مرحمتلى، چىن سېزگولى بىر كۆمك،
منە شو- دىر اونىنگ اوچون بار تىلك.
شاعر

طبيعتدن سىرلى، تېرن معنالىر،
تېرىكلىك- چون آچىق، تۇغرى، چىن يۇللار
ايزلار - تاير، اۆزى اوچون سقلەمس.
اونلارنى

ياز گۈلى نېنگ پىراغيدىن تۇقىلگن
«سۆز»لر ايلان اۋرەب بىزگە تاپشیرر.

شاعر

عشق باغى نېنگ تېنتك، سىنگىرلى، يانگن،
بىلبلى دىر.

بشرىت دنياىين

كىچىك، نازلى قناتى اوزره قۇير،
كۆكلر سىرى يوكسلتكەلى تلىپنر.
منە شو نېنگ اۋكسوز، يۇقسول كۈنگلۈنى
كۆترمك- چون، گۈزللرگە تېگىش دىر.
كىم آزغىنە قرەغەيلر، كولگەيلر
اينگرەب تورگن جانينى
قۇللەغەيلر، بىر آز كۆمك اېتكەيلر.

بهبودي نینگ سغنه سين ايزله ديم^۱

چۆكميشدى يېر اوزره عالم تۆسوغى،
اۆكسوزلىك بايقوشى قنات قاقردى.
باتووده قىزىپ تورغن بولوتدن
اپزىلغن كۆنگىلىمە ماتم ياغردى.
حقسىزلىق شەھرى نىنگ قان ھىدلى يېلى
ارمانىم گۈلدىن بىر پىراق اوزوب،
بھارسىز چۆللرگە ساوورىپ قويدى.
اول نازلى پىراغىم سۆلىپ، سرغەيىپ،
يۇقسول قالغىلردە ھىر يان يۇگوردى.
ظالمىر، مظلومىر، ظلمىر نىنگ-دە،
قىغولر، المىر، اۆلومىر نىنگ-دە
برىگە اوچرەدى، برچەسىن كۆردى،
اۆز يۇقاتقانىن ايزلەدى، سۆردى.
بىر درك تاپمەغىچ، بىردن بىر تىكىلدى.
بار كوچىن تۈپلەدى.
ظالم نىنگ تىختىنى تىترەتگن بىر تاووش قىچقىردى:
- آتم نىنگ قېرىنى قى يېرگە ياشوردىنگ؟!
بات سۆيلە...!
كىرلى تاج كۆب قۇرقدى باتور تاوشىدن،
سېسكىنىپ، تىترەب... ياشروندى
بىر جواب بېرمىسدى.

^۱ . **بهبودي نىنگ سغنه سين ايزله ديم** . شعر ۱۹۲۰-يىل يازىلغن . «اۆزبېك ياش شاعرلىرى» دن آلىنىپ نىشرگە تيارلندى (بۇنىگە قەدەر مەتبوعاتدە اعلان قىلىنغن بۇلىشى مەكىن) . «فن و تورموش» ژۇرنالى نىنگ ۱۹۸۹-يىلگى سانلىرىدن بىرىدە قېتە نىشر قىلىنغن (تەبدىلىچى ش . تورديف) .
شعر امير عالمخان نىنگ بۇيرۇغىگە كۆرە قرشى بېگى تەمانىدن ۱۹۱۹-يىلدە اۆلدۈرىلغن مفتى محمودخواجه بهبودى (۱۸۷۵-۱۹۱۹) خاطرەسىگە بېغىشلانغن . بۇ حقدە قرەنگ: «انقلاب»، ۱۹۲۲، ۱-سان.

پرچە^۱

اور، اور!.. سېنىڭ تىرناقلىرىڭ نازلى، نازلى اوردىقچە^۲،
يورەگىم نىڭ بېتىب قالگن يرهلىرى آچىلسون!
چالغى قىلى سېنىڭ نازلى تىرناغىڭ. لە تىترىكن،
امىدىمنى قاپلىب تورگن قارە بولوت يىرتىلسون!

اۋگوت^۳

آغىر يىگىت، سېنىڭ گۈزل، نورلى كۈزىڭدە
بو ملت نىڭ سعادىتىن، بختىن اۋقودىم.
اۋىلەشىڭدە، تورىشىڭدە ھمدە اۋزونگدە
بو يورت اوچون قوتولىش نىڭ بارلىغىن كۆردىم.

تورمە - يوگور، تىنمە - تىرىش، بوكىلمە - يوكسل،
ھوركىمە - كىرىش، قۇرقىمە - ياپىش، يۈرىلمە^۴ - قۇزغل.

يېل يۈلىنى تۈسىب تورگن اېسكى بولوتلارنى
ياندېرىپ قۇي، يىرتىپ تشلە، برچەسىن يۇق اېت.
قىلالمەسنگ شو ايشلارنى،
سېنىڭ اوچون خۇرلىك. دىر بو...
يىقىل، يۇقال، كېت!

^۱ - پرچە. ۱۹۲۰. يىل ۱۱ اپرىلدە يازىلگن. «اۋزېك ياش شاعرلىرى» دىن آلىنگن بو شعري پرچە نىڭ اصل سىرلۇھىسى بېرىلمەگن. احتمال، توگلىمەگن بۇلگىنى و مضموناً ممتاز ادبىيەتدەگى قىتەگە يېقىن تورگىنى اوچون، شۇندەي ناملىگن.

^۲ - اوردىقچە. تىنور چلگندە برماققە تىقىلەدى.

^۳ - اۋگوت. قىتە نىشۇ: «چىن سېۋىش» (ت، .، ۱۹۹۶).

^۴ - يۈرىلمە - چرچەمە.

شرق^۱

قرداشلریم، منه سیزگه بیر اولکه
کیم، تاپیلمس یپر یوزیده سینگری.
هر یانیده کپنگ، یم-یشیل اوچماقلر
جان سوویندن یېتیشکن-دیر گللی...
آغاچلری یشیل کیملر کیگن
اپوریلیشر تاپینغله تیگرگه.

آغیر، یوکسک، کۆرکم، هیبتلی تاغلر اؤنگدن،
سۆلدن...

هر یاندن
حق یولیده اوروشغوچی عسکر دپک،
یساو تارتیب، کۆکره ک کپرب یوکسلگن
کۆکدن دهی اؤز حقینی ایستردپک.

تېنگیزلردن قنات آچیب طبیعت
قوچاقله میش بو سېوگیلی یاغدوسین.
تنگری دهی موزدن، سوودن هم تاغدن
قورشمیش-دیر قۇرغان قیلیب تېگره سین -
کیم یاوواپی بیر حیوان
سوقوب قالمه سون مونگه بیر تقیچ تیشین، تیرناغین.

بونده تورودی هر اولوس نینگ هر سسی،
بتخانه سی، اؤت اویه سی، کعبه سی،
هم مونده اؤق یشه دی.

^۱. شرق. شعر ابتدا «تانگ» ژونالی (۱۹۲۰-ییل، ۲-سان) ده «پوایمه» رکی ییلن اعلان قیلینگن. سۆنگره «اؤزبک یاش شاعرلری» توپلمیگه کیریتیلگن. قېته نشری: «اؤزبکستان ادبیاتی و صنعتی»، ۱۹۸۷، ۱۱.

دسمبر.

بخارا خلق جمهوریتی دوریده بوخچک رئیسی و ایچکی ایشلر ناظری یولیب ایشلهگن معین جان امینوف نینگ ۱۹۳۷-ییلگی سؤراق انکیته سیگه کۆره (۲۰۱۶-اپریل)، بو شعرگه ف. خواجه یوف نینگ التماسیگه کۆره خلق ارتیشتی قاری یعقوبوف: کوی بستمه لب، اجرا ایتگن. اوشبو معلومات تفصیلاتی اوچون قرهنگ: «شرق یولدوزی»، ۱۹۹۲، ۱۰-سان، ۱۷۵-بېت.
شعر تحلیلی اوچون قرهنگ: ب. قاسموف، فطرت. چیرگیلر. «شرق یولدوزی»، ۱۹۹۲، ۱۰-سان، ۱۷۲-۱۷۶. بېتلر؛ بالتایوف. نامعلوم فطرت. «یاشلیک»، ۱۹۹۰، ۴-سان.

بىراق بو كون، اپسىزلىرىم، بو اولكه
هر تماندن تلمىش دىر يولسىزچە،
مدنىت دېگن غرىلى آلباستى،
باقىنگ، بو نىنگ كۆكرەگىدن اوق باسدى.

قوش باقىش-له قرەنگىز،
بوندە بو كون نېلر بار:
اوتلر ارا يانيب تورغن قىشلار،
خرمن بۇلىب ياتغن گودەلر جانسىز،
آقماقدە-دىر قىزىل قاندن اريقلر،
تىنچ تورغنلر تلنە-دىر امانسىز.
تۆرت-بېش يشر بىر بالە نىنگ باشىنى،
باقىنگ، كېسكىن قىلىچ بىلن كېسمىشلر،
يىغلىتورغن آنەسى نىنگ بۇنىغە
بىر ايپ بىلن آسمىشلر...!
ينكى گىنە كېلىن بولغن بىر قىز نىنگ
كۆكرەگىنى اېرى بولگن يىگىت نىنگ
جانسىز ياتگن گودەسى اوزرە قۇيوب
نيزە بىلن تېشىمىشلر...!
خاتىنلر نىنگ پردەسى،
بالەلر نىنگ يورەگى،
قىرلر نىنگ گودەسى،
يىرتىلگن،
يارىلگن،
اېزىلگن...!

كىم بېرگن،
بو اۋغورلى^۱ اولكه گە بونچە اۋتنى؟
كىم تۆككن

^۱. اۋغورلى - شۆرلىك.

بو مۇددس ايشگه بونچه قاننى؟!

بيلمهيسيز مى؟!

تۆپلمگه كيرمه گن شعرلر:

اوقيتغوجيلر يورتىگه^۱

آرقه داشلر، تۆپلنەيلىك جەل نىنگ اويىن يىققەلى
اېل كۆزىن آلغن قارانغو پردەلرنى يىرتكەلى.
بىز اېرورمىز معرفت ارسلانلرى، علم اېرلرى،
تۆپلنەيلىك، تورك اېلىغە تۇغرى يۇللر آچقەلى.

اېللرى محدودن قوتقرن علم اېرور،
بىزلرى هم بو كوندن اۆزى قوتقرور.

بىز اېرورمىز اېل نىنگ انسانلىك قانين قىتتغوجى،
تورك ارسلانين اۆرىنسيز اويقودن اويغاتغوجى.
معرفت بيراغى آستىغە يىغىلدىك برچەمىز -
كىم، بىزى آتگنلره حق يۇللرين كۆرستكوجى...

اېللرى محدودن قوتقرن علم اېرور،
بىزلرى هم بو كوندن اۆزى قوتقرور.

هيدنگ، اورتاق، قوتقرەيلىك جەلدن تورانلرى،
ياروتهيلىك معرفت نورى. له توركستانلرى،
علم اۇچاغىدە يېتىشكن اېر. يىگىتلر، تۆپلەنىنگ!
قاچىرهيلىك جەل اوردوسين، آچەيلىك انگلرى...

^۱. اوقيتغوجيلر يورتىگه. ۱۹۲۱. بىلدە يازىلگن بو شعر ۱۹۹۱. يىلى «شرق يولدوزى» دە قېتە نشر بولدى (۶. سان، ۲۲. بېت).

اپللىرى محدودن قوتقرن علم اپرور،
بىزلرى هم بو كوندن اوزى قوتقرور.

قارا

كوچسىز، تىتراق، آتاق، كيچيك تامچىلر،
تورمه‌ى، تينمه‌ى توپراق اوزه ياغه-دير.
يېل بىزلرنى، بىلمم، نېچون قمچىلر؟!
كوكلرده هم ايازلىكدن آقرغن
بىر كۆز بار مى كيم، ياشى
بىز نىنگ الم، اوليم بىلن سوغارىلگن
يېرىمىز نىنگ كوچىگىگه آقه-دير.
بو كيچكىنه، اوكسوز، آتاق بېكلىر،
اوچه-اوچه يېتمه‌ى قالغن تىلكلر
اپسكن يېل نىنگ قوللريغه اوزىنى
تشلب قۇير، بارليغىنى اونوتر.
هېچ اوزمه‌يىن يوقايدن كوزىنى
تيتره‌ب-تيتره‌ب قاره يېر اوزره توشر!
توشگىچ، بوتون توشكنلرده‌ى تاپته‌لر...
تېككن يېرىن بىلمه‌ى باسغن آياقلر،
پيچره‌ته‌لر بو نىنگ آتاق بېتىنى.
باسگن ايزىن كورمه‌ى اوتگن توباكلر،
تاپتب-تاپتب، آه... ايتالمم كېتىنى...
ينه بىر كون كوك كوكره‌گىنى آچىب،
كوله-كوله بونلر سىر باقغنده،
ينه بىر كون قىزلر كىي طبيعت،
قولاغىگه آلتىن حلقه تقيغنده،
بونلر بوتون پيچراقلردن آيرىلىب

۱. قار. ايلك بار بخارا معارف ناظرلىگى نثرى بولگن «اوتقون» ژونالى (۱۹۲۳، ۲-سان) ده چاپ قىلىنگن. قېتە نثرى: «شرق يولودوزى»، ۱۹۹۱، ۶-سان، ۲۲-بەت.

كۆكلەر سۈرى قىرەب اوچىپ كېتە. دېر.

يىنە اوچىش، يىنە اۋيىن، يىنە اېرك،

آه... او كونلر...!

شۈر سولردن چىقىپ كېلگن بو ميمون،

تولكى، ايلان، شيطان، الداوچى ملعون^۱

انگليزلر...!

همده اونىنگ قويروغىنى توتكنلر!

مېنىنگ كېچەم^۲

كېچ بۆلدى، تىنىپ بيتدى تاووشلر،

سۆندى بوتون اويلردە چىراغلر،

تېرەنمەدى يېر اوزره آياغلر،

ظلمت يىنە هر يان آقه قالدى.

تالپىنمەدى، سېرەشمەدى قوشلر،

جىمجىت كىنە اينگە كىردى،

باشىنى سالدى كېيىنگە،

سۆلغون قناتى آستىغە آلدى.

اۋچماق، يشەماق قىغولرىگە

«چىق» دېب اۋزىنى اويقوغە سالدى،

هر دردى يوقالدى.

كۆكلەر سۈرى چقان كۆتۈرلگن

تاغ گودەلى اويلر،

قۇنۇقلر،

سرايلر

^۱. «تولكى، ايلان، شيطان، الداوچى ملعون» سۈرى قېتە نىشردە توشىپ قالگن.

^۲. «مېنىنگ كېچەم» شۇرا دورىدەگى برچە درسلىك و قۇللنمەلردە «ملتچى بدىين كىيىنلرنى افادەلاۋچى» دېپ تلقتىن قىلىنكەن بو شعر ۱۹۲۳ يىل نىنگ اۆكتىرىدە مسكودە يازىلگن. بونگە تىسكىرى روجدە باتو «مېنىنگ كوندوزىم» شعرىنى يازگن. قىزىقى شۇندە كە، فطرت شاعر باتو نىنگ شعرىدەگى روجى، اوندەگى «كوندوز نىنگ تاولنىشلرى»نى بىرىنچىلردن بۆلىپ انگەلگن بۆلسە هم، اصلدە بوندى شەر يازىشكە اۋزى مصلحت بېرگنى اوچون، اۋنى اۋز شعرى بىلن بىرگەلىكەدە «انقلاب» ژونالى نىنگ ۱۹۲۴-يىل ۹-۱۰ سانىدە (۴.۳. ۸.۷.بەت) اعلان قىلگن. ۱۹۹۶ يىل نىنگ دىمىرىدە فطرت نىنگ ۱۱۰-يىللىك يويىلى مناسىتى بىلن «تۈركستان» رۈزنامەسى نىنگ ۱۹۹۶-يىل ۲۱ دىمىر سانىدە قېتە نىشراپتەلىدى (نىشركە تيارلاۋچى بالتەبايوف).

أيرىلدى بوتون دېدبە سېندى،
بىر قاپ-قارە ھېكل توسىن آلدى.
كوندوز سىگىز-اۋن ياققە يوگورگىن،
چاپگىن،
يىقىلىشغىن،
يىنە تورگىن،
اۋنگ، سۇل اۋنى تېپكىن، بونى...
انسان-دە ياتىب اويقوغە تالدى!
سۇلغون، قارە، تورغون دېمە.
كۆردىم مونگلى كېچە نىنگ مونگلى چاغىندە،
كۆب مونگلى اويىم نىنگ قىراغىندە
يالغوز ايكى نرسە يانداش-دە:
بىرى شىمىم،
بىرى...
كۆنگلىم!
باشقە ھەمە تىنچ، جىم،
اۋچىلب اوزانىشە.
شوندى كېچەلرنى سېۋەن مېن،
بوندى يوگورىش يۇق،
سۇرغىلوش يۇق.
يورماق-دە، آلدەماق-دە كۆرۈلمس؛
يالغوز كۆرۈنىش،
ساختە كۈلىش يۇق.
ياو شىكلى كۆزىمدىن
كۆب اوزاقىدە.
دۈستلر اېسە اوندىن-دە بىراقىدە.
شوندى كېچەدىن اۋرگۈلەن مېن!

گۈزلىم، بېوفا گۈلستانىم^۱

گۈزلىم، بېوفا گۈلستانىم
باغ عمرىمىدە تازە رىحانىم،
غم و قىغولرىم ھجومىندىن
سېن اېدىنگ مېرىان نېھبانىم.

مېنى بېھودە تشلەدىنگ. كېتىدىنگ،
نېگە اولدىرمەدىنگ. دە ترك اېتىدىنگ.
كېل، گۈلىم، كېل، اياقىنگغە يېقىلەي،
بىر زمان قۇي: تولىب-تاشىب يىغلەي.
قۇي، بىر آز قۇي كە، خاك پايىنگى
سورمەدېك ياشلى كۆزۈمە سورتەي.
كېتمە، تور، تىنگلە عرضِ حالىمنى،
عرض اېتەي حالِ پۇرملالىمنى.

قنى اول دَم كە، سېن اېدىنگ يارىم،
مونسىم، ھەمدىم، مددكارىم.
سېنىڭ آغوشِ التفاتىنگدە
راحت اېتمىشىدى جىسم بېمارىم.

مېنى بېھودە تشلەدىنگ. كېتىدىنگ،
نېگە اولدىرمەدىنگ. دە ترك اېتىدىنگ.
كېل، اياغىنگغە قان بۇلوب تۈكۈلەي،
بىر نفس درد-ھجردن قوتۇلەي.

كېل، گۈزۈل دلېرىم، كېل، ساچىنگى

^۱. گۈزلىم، بېوفا گۈلستانىم. ۱۹۳۲. يىل ۴ نوامبىردە سىمقەندە يازىلغان بۇ شعر ۱۹۸۷-يىلى قېتە نىشر قىلىنغان: «اۋزبېكىستان ادبىياتى و صنعتى»، ۱۱ دىسمبىر. بۇ اثر نېنگ يازىلىش تارىخى بىستەكار مەتۇكل بىرھانوف نېنگ فطرت حەقىدەكى خاۋەرلەردە بىيان قىلىنغان: «اۋزبېكىستان ادبىياتى و صنعتى»، ۱۹۹۲.

بیر تره‌ی، بیر اۆپه‌ی-ده، سۆنگره...
مېنى بېهوده تشله‌دینگ-کېتدینگ،
نېگه اۆلديرمه‌دینگ-ده ترک اېتدینگ.